

Band XI., Nr. 5070, Seite 96

*Ulrich Gwärlich der Junge, Bürger von Ulm, verkauft an Kloster Söflingen
eine Wiese ' zu Fischerhausen.*

Ulm, 1297. Dezember 1.

. . In gotes namen. Amen. Ich Ūlrich Gwærlich der junge ein burger von Ulme vergihe und tūn kunt allen den, die disen brief ansehent, lesent alder hōrent lesen, daz ich minen lieben vrōwen . . der æptissenne und dem . . convent des clōsters da ze Sevelingen sant Claren ordenes minen wise da ze Visherhusen be wasen und be zwi besūchet und unbesūchet ze einem vrigem eigen geben han und verkōfet umbe zwæ und zwænzeg phunde Haller und sol öch des selben gūtes wer sin nach rehte, und vergihe öch, daz ich in dis ersame man, daz sint Heinrich der amman, Liuprant der burgermæster, Rūdolf und Otte mine brūder und Hainrich minen sūn han ze bürger unvershædenlich gesezzet vūr alle min erben und gemænlich vūr alle ansprache nach der stet rehte da ze Ulme. Und ūber daz so verjehen wir Heinrich der amman, Liuprant der burgermæster, . . der rat und alle die burger von Ulme, daz wir von der vōr geseiten wise nimber kein stūre noch keinen dienst gevōrdern sūlen, wan si in ūnserem banne nit enlit. Diser getæte sint gezūge: Ūlrich Gwærlich der alte, Wernher Sumerwne, Ūlrich Strōlin, Herman der Welser, Liuprant von Halle, Otte der Rōte, Ūlrich der Rōte und vil anderer biderber lūte. Und daz disū getæt stæte blibe, dar umbe und dar ūber so geben wir disen brief gestæten mit den insigeln des ersamen mannes brōpst Cūnrates in den Wengen und mit des vōr geseiten Heinriches des ammanes da ze Ulme.

 Diz geschach und diser brief wært geben da ze Ulme, nach gotes gebūrte zwelf hundert jare nūnzeg jare in dem sūbendem jare, an dem næhstem tage sant Ændres des zwelfboten ūnsers herren Jesu Christi.

—

Der Textabdruck folgt dem Original.
 Rest des zweiten runden Siegels, kopf-
über anhängend, mit einem Pfau im Schild; es ist das des Ammanns Heinrich von
Ulm genannt von Hall.

Überlieferung und Publikationen

Lagerort:

StA Ludwigsburg

Signatur/Titel des Originals:

B 509 U 148

Editionen:

FRIEDRICH PRESSEL (HRSG.): Ulmisches Urkundenbuch, 2 Bde., Stuttgart bzw. Ulm 1873-1900, Bd. 1, S. 245.

Weitere Angaben

Beschreibstoff:

Pergament

Sprache:

Deutsch

Ausstellungsort:

Ulm

Aussteller:

Ulrich; Gwärlich der Junge

Ortsindex:

Fischerhausen Wüstung (23841)
 Fischerhausen, Ulm, UL, W
 Schwäbisch Hall Wohnplatz (3361)
 Schwäbisch Hall, SHA
 Söflingen Wohnplatz (16646)
 Söflingen, Ulm, UL
 Ulm UL
 Ulm Gemeinde (16620)
 Ulm Wohnplatz (16648)
 Ulm, UL